

粵東金石略

粵東金石略卷第三

廣州府金石三

清遠峽山寺諸刻

禺嶼山志云期雲館石壁刻至和乙未正月甲子武林
元絳行部過此石刻久已不存今寺中有石刻一段
剝泐之甚惟露重開生面四大字後題一行隱隱不可
辨識惟一元字略可見寺僧云即元絳筆也按元厚之
熙寧元年知廣州又任轉運使

皆東坡過此寺謂溪水太峻當少留之於淙碧軒之北
作一小閘諸為澄潭使人過閘上雷吼雪濺為往來之

奇觀若夏秋水暴可爲啓閉之節用陰陽家說寺常少
富僧如公言爲之即今飛泉亭處也予去年大雨後於
此觀瀑見亭右石壁高處隱隱有字寺僧指爲坡蹟因
賦詩云攝衣步層石一路吹松風遂訪坡公蹟綠蘚纏
蛟龍云磨墨州書勒石於亭壁今夏重來拂拭苔蘚
推拓出之乃坡仙遊寓四字非坡書也字八分橫書亦
古雅後題朱學熙蓋即朱所書耳寺僧語予舊有坡書
一碑云東坡居士渡海北還吳子野何崇道穎堂通三
長老黃明達李公弼林子中自番禺追錢至清遠峽同
遊廣陵寺元符三年十一月十五日此碑久失同併著

於此不可以予詩而傳會公字也

按此條本集作廣慶寺乾隆辛卯七月方綱集公書補刻於此

泉亭

豫章黃州教自廣東轉通判官蒙恩移使湖南政和丁酉三月乙卯舟過峽山寺與天台僧子常同遊男彬琳塹彰攀侍行知清遠縣事察仕俊命工刊此段在雲經二字下左側其文自後而前

寺西有石高數仞濶十餘步云晉葛稚川脩煉於此名曰葛壇石上橫書葛壇二大字後題乾道己丑孟秋吳興陶定安世書此刻蒼古俊逸與北海石室記後題名一行筆勢無二

廣州路清遠縣峽山廣慶禪寺新建飛來殿祀天歷二年良月既望將仕郎廣州路清遠縣尹無勸農事楊觀記并書當代住持僧明顏等立石

行楷刻一段云峽山寺自吾蜀蘇長公紀勝迄今垂五

百字缺御史江字缺以事字缺出巡按察使字缺遊於此亦皆蜀

人也因鐫石以著歲月云正德庚午歲重陽前三日清

遠縣知縣張字缺督工刻

琴心閣後石壁上刻雲壑二字八分書後題虞臣二字

又育巖泉偕樂薪木勿傷八字有題云萬歷庚子仲春

南海陶虞臣題

飛泉亭下摘崖石澗深處澄潭晚沐四字徑尺許陶虞臣篆書

仙源洞瀑布發源處也有八分橫書仙源二字荀云明萬厯庚申秋朱學熙題其下石壁上又有橫篆移情二

字不著名氏

漁洋南來志云山岩軒後巨石林立有前人摩崖探源二字似即此地而探源之字未見中巖軒即探源軒也

水簾臺中有大篆二處曰層崖飛雪曰天風環珮歎云
山中人朱學熙題

卧仙岩在瀑布左懸石丈許如覆深半之中平坦皆有
仙人卧此聽瀑故名石下刻卧儒岩三字八分橫書点

朱學熙筆

又一石亦八分書爾翩二爾僂二萬斯年朱學熙
一石刻行楷云崖石勢欲落令人發怪想載拜濡元雲
顏之衣裾上朱學熙

一石刻楷書關蒼雪崖回題云萬木蔭蒼璫千山潯寒
碧願洒向人間一時清火宅朱學熙

浴日亭石側壁上有學熙所篆蒼璫二大字直書

寺東江潯溪石上浴夢二大字八分橫書後題曰山中
人下有朱學熙印

海翁巖前有達摩石澗丈許梁時達摩西來經此於石

上禪定其下有八分真書石禪二字下題朱村子三字 寺
志云山中人朱村子狂士也嘗脩闢北畝諸勝所封荒
阡有學熙銘學熙明邑文學

釣鯉臺頂刻奇觀二篆字北亭後石上刻盟玉二篆
字俱村子書

此下臨江一石篆刻東坡釣磯四大字石為江水所浸
水盛則不見于五至而後拓得之

標社下石壁上玉洞瑤天四篆字有題云山中人朱村
子熙

蒼雪崖三大字八分橫書有題朱學熙闢陳長策書

雲巢之石路側石上刻隸書發怪想三大字刻指云
釋文發怪想曾哲後隸又嘯臺後有石平行如席舊傳
仙人聚飲于此刻瑤席二隸字末題云曾哲後為朱村
子隸八字亦帶篆意

海翁巖前大石上刻艸書一詩凌空飛錫結嶙峋蒼苔
香中艸自春島度雲移今此世鴻冥天濶我何人羲娥
斷送千年夢龍象終成一聚塵便合拈花發微笑滄波
無語月華新奉泉黃佐

艸書飛泉洞詩五律四首萬曆辛丑重陽邑人鍾萬春
題後學陳遠馨謹書上石

半雲亭用字熱鄧州詩五律六韵字亦古拙有致後一行

作者姓名已不可辨半雲亭即半山亭也

談經石後行書海翁巖三字康熙癸巳六月邑令孫繩祖鑄又櫟社下石壁有行艸海濶天空四字亦繩祖所鑄廣州府志以為唐刻誤也

寺內又有古菰嚴邁篆刻不可確三字臨高令樊庶楷刻江都樊庶聽泉處七字又有楷書太原郭仲元累至此八字又雲根二篆字櫟社二楷字初得洞路由此六楷字息趺二行楷字俱不著名氏

山頂飛來寺所稱飛來古寺也有明人所書石楠第十

九福地字王漁洋先生南來志云有何象岡相國書古
飛來三大字碑今未見

古寺之上有峭壁約二丈許有羅隱所篆雲臺二字錢
壁上有范陽祖無擇至此字雲棧峰有米元章題刻吹
簫臺奇壁上有元章題名九字今問之寺僧皆無知者
矣

西樵山諸刻

西樵古廣州治西百餘里其頂石排村側壁上有方子
釣臺四大字去地二丈餘字徑五寸長八寸無書人姓
名土人謂為方獻夫書也

其北大槽峯有翠蟲二字在巖壁上去地三丈許字徑九寸長一尺七寸土人云亦方子書

其東蜘蛛峯有霄門二字在石壁上去地二丈餘字徑五尺長六尺傍小注泉翁二字其下噴玉岩飛瀑內字多不可辨又有刻詩四首一脈來崑崙一撒驚蛟龍時來白雲起在在皆春風字約二寸許傍小注玉泉二字玄圃濺一粒羅浮四百峯□□訖□□雲花噴崑龍俱艸書字約五寸許傍小注不可辨千載岩龍眠忽驚風雨□□□天花□草木山□青字約二寸許傍小注□峯□□□又傍小注正德丙子四字玉泉涓涓流□如仙遂

真武廟碑記
五
弄道人探泉飲驚□蛟龍夢傍小注栢山張奎□詩字
約二寸半

其南九龍洞上有明太史甘泉湛先生寓墓十字左傍
小字正德庚辰十二月十二日右傍小注兀厓子吏部
霍韜題對面有柱笏臺三大字

其南紫姑峯寺邊村側有寶峯勝處橫書四大字字徑
二尺五寸長三尺三寸傍小注甘學書古岡鄧南鳳立一
峯下舊有霍公書院今廢無碑記後有墓一區墓碑上
截大書皇帝諭墓四字下書渭厓霍公夫人區氏墓嘉
靖二十一年歲次壬寅正月朔旦欽差工部郎中顏德

倫布政司叅議徐九皋造一峯下明西莊霍公墓墓碑
誥命二道嘉靖七年五月十六日謹身殿大學士張孚
敬錄其右有神道碑湛若水撰李時書丹方獻夫題額
其左有墓表湛若水撰玉泉甘學于盤書又祭文碑四
無書人姓名

其西雲路村前有仆碑二一碑遊樵詩四首并序万歷
七年寧澹居士南海縣知縣周文卿刻石云發順德宿
西樵明旦登馬山中有村桑麻雞犬居然別一天也予
登絕頂望遠海俯長江一覽八表不知天地之大而吾
身之小也南海多仙山此山仙獨早根托蛟龍窟翠抱

壺島雲人天際青人歸塵外好誰為隱者招吾欲從
之老其昨宵弄明月青樓收_口處今夜明月同西樵山
下樹_口上西樵山不見西樵者敲殘洞口棋柯欄何
年北臺愛山一登可羨山不捨雲來刺繡衣欲脫西
岩下甚一大科峯見日臺記萬歷二十三年乙未六月
二十六日立南海霍尚守撰又_口有明李子子長先
生墓表銘南海霍韜撰南海陳中誠元白書丹番禺甘
學子盤題額嘉靖十年十一月十日

其西白雲洞三大字字寬約尺一二寸長約尺六七寸
下橫刻云再遊白雲洞何君載酒于雲_口念白雲主人

先□何子□已逝舊讀書處在雲室石梯漆梁屏榻□
在而雲堂觀音像則新塑也悵然有感賦此先友何子
明曾此著潛夫朝見白雲悅夕與白雲俱子明不可作
其人孔氏徒暇日追前遊風高情興孤飛泉洒絕壁幽
賞入蓬壺寄語遊樵者青樽宜此娛佛自西方來人異
教亦殊千載□□意語默與相孚万歷己卯菊月下澣
白鷗主人常憲文識□孫何元幹重刻其下橫刻白雲
洞銘白雲古洞誰哉闢始觀察何公嘉靖初紀子亮治
之隆慶辛未剔山發潛泉石之光崇德僊志山高源長
中憲龐子銘告四方雲南曲靖府知府□厓龐嵩撰雲

岩守者何元幹刺其傍文并又橫刻一段陟彼白雲徑
□滿白雲時□與白雲跡心與白雲期陟彼白雲洞□
□白雲迷跳出白雲□身與白雲齊鐵橋主人梁嶠□
山氏州洞中又有一小岩有何白雲先生讀書處八字
無書人姓名

其東北飯蓋峯頂有仰宸臺三大字字約長三尺五寸
寬三尺五寸傍小注嘉靖丙子甘泉若水書又傍一石
刻字一段其石險絕不可上

其北地名珠坑石上刻玉岩二字字寬約七寸長約八
寸無書人姓名相傳亦方獻天書

粵東金石略卷第三終

粵東金石略卷第四

韶州府金石一

南漢大寶二年鐘款

鐘高二尺四寸圍四尺口五尺紐高五寸圍二尺款曰

尊惟大寶二年太歲己未七月甲辰十九日壬戌樂昌

黃蓮山寶林禪院住持長老明徽大師賜紫沙門義初

召衆像鑄造銅鍾一口重四百斤勸首弟子給事郎守

內侍省內府局令都監樂昌防遏諸都并監樂昌縣事

賜紫金魚袋鄭敬贊以七月廿八日設齋慶讚永充供

養背款云奉敕鑄題黃蓮山銅鍾一口

明曲江鄭惟顯作古鐘
記載此文刻於不全

凡鑄金之文陽識易成陰款難鑄三代銅器用陰款秦漢則多用陽識竹垞跋晉祠鐵人胸前字謂金石之文石多金少款多識少此猶是通指金石刻而言之若但以金論則識多款少也此文乃是陰款尤爲難得故拓而存之雖字體大斜不工亦不恤燕人市馬骨之銷也此鐘不知何時移於韶州府學明倫堂問之學官皆不知予親至堂上摩挲稟銑始得讀而拓之又聞東莞縣東脩慧院有南漢大寶三年內承宣使劉廷威鑄鐘二百五十斤永樂間為盜竊去

乾道三年鐘識

在韶州府堂識云昔軋道三圭歲次丁亥壬子月初一日乙丑勅差住持傳法賜紫正覺了悟大師奉寧謹題
隆興府都料游智文造

韶州府解有明萬歷間知府陳大綸所造銅漏壺止存其一上有大綸識

宋政和手詔碑

碑在韶州府學凡二層其額大書御筆手詔四字

上一層云朕承祖宗遺休餘烈崇經術設學校興賢能以待天下之士高爵重祿承之庸之以待士之任官者蓋与之修政事理人民以立太平之基致唐虞三代之

隆宜有豪傑特立之材忠信志義之人比肩相望焜耀
一時為世盛事而比年以來懷僭亂之異謀干殊死之
極憲者如趙論儲侔王宋劉曷之徒或賢科異等勲閥
世胄或出入禁闥侍從之領袖為搢紳士大夫之大辱
閭巷無知愚夫愚婦之所憤疾武夫悍卒未嘗知書者
咸羞道而喜攻之其故何也豈利心勝而義不足以動
之歟抑勸導率勵之方有所未至歟夫經傳所載君臣
之分忠義之訓榮辱禍福之戒豈不深切著明今誦其
言而不能効之行事深慮薄俗浸漬士風陵夷失崇養
之指害教化之原為天下後世笑卿當師儒之任以學

行致大官其恩所以勸勵興起畀知尊君親上之美無
復暴戾邪僻之行以居德而著俗以化天下与後世稱
朕意焉故茲詔示奉行無怠

升李邦彥

沛書
出寶

下一層云政和八年夏六月上親御翰墨作訓于四方
多士以其詔屬臣邦彥使奉行之秋七月被旨揭示于
太學暨辟雍仍著之石九月臣以職事進對便朝上諭
臣曰前日詔書學者宜識所以訓迪之意且暴戾邪僻
豈士人所為臣頓首謝曰陛下興學造士澤之入人深
矣孰不能惠上德而化之聖詔一頒鼓舞丕應咸目喻

而心成咨嗟誦詠者不可一二數憤激而勸以義者慨然相先也蓋教育之道素明而理義之感人若是其敏顧詔儒臣作記以揚厲休蹟俾天下後世無忘其章越二日御筆委臣識之而臣疏逖一介擢長師儒毫髮未報宸翰所及獎飾踰分眷任之意不替益專且不以燕累取玷上寵倖加序述惟是不腆末學固不足以辱命而載名其下有榮耀焉臣之幸也謹拜手稽首而言曰臣聞三代之學皆所以明人倫人倫治化之本義命之大戒存焉士之所學學此者也上之所教教此者也政事之興風俗之醇皆原於此周監二代禮樂庶事脩矣

而教養之法加詳法象所示雲漢其章人才之成金玉
其質拔奇取異序爵而官使之名正分辨咸懋嘉德故
服事其上而下無覲覲羔羊節儉正直之風有辭于永
世知所以尊義而立命故也治降紂末君臣信義之論
策名委質貳辟之責猶行於區區戰國之間時以為美
談豈餘波遺澤燕及來葉而人倫之教在人心者未熄
耶上以神明淵懿之質發抑前聖光大之烈勵賢崇化
一本於學所以風天下而善萬世者三代不足進也邪
謀弗臧既戾于憲而訓辭諄切必勤勤于庠序師儒之
官宸慮所圖至深且遠矣譬猶慶霄清明白日中照有

目有趾者待是焉領非甚愚孰不知嚮是宜草心滌慮
祇奉明德戒懼而不敢少易也嗚呼士之取重於世者
以義命在我物無得而移之故尊君親上之心常存而
不畏嗜逐末者義以利勝樂于時者命以故滅陵夷漸
漬始失其常心越乃誕作狂僭矯誣之行而階之為禍
屢校之施金柅之戒罔不在厥初則天心仁愛之篤形
于詔諭其為惠可勝既耶書曰王言惟作命不言臣下
罔攸稟令夫以九重之近輶制四海之遠德意志慮非
言弗宣稟令之臣所當奉以周旋靡遑夙夜矧奎章洛
畫昭布于上下而又勅諸翠琰垂範將來碩疇敢不力

臣績文未工愧無以形容聖作之萬一然戒告之嚴委
寄之重尚俾來者勿怠于成以奉揚丕顯休命於億萬
斯年之永則是記也豈持侈上之賜使後世歆豔其美
而已哉冬十月己卯朔十五日癸巳朝議大夫試大司
成同修國史隴西縣開國子食邑五百戶賜紫金魚袋
臣李邦彥奉御筆記并書保和殿直學士朝請大夫提
舉上清寶籙宮編類御筆兼禮制局詳議官校正內經
同詳定官汝陽縣開國子食邑六百戶賜紫金魚袋臣
蔡脩奉聖旨題額奉議郎試辟雍司業臣李隲奉議郎
試辟雍司業臣程振

上見金石錄
按史是年十一月改元重和則十月以前得稱政和八年也此詔史所不載故備錄之

韶州府學有明宏治十七年東莞劉存業脩學記萬曆二年黥南李渭重脩學記又有南康黃榮科貢題名記永樂五年丁亥六月立石

嶺南寺碑

寺創建於宋紹興十九年此明成化庫子重脩碑也知韶州府淳安王賓書

關帝現身像碑

韶城西南樓有關帝廟順治丙申五月二十日未時帝

見身於樓上披金甲藍紗巾立樓牖面北少頃面轉西
移時而沒兩岸居人皆見之且驚且拜二十一日二十四
二十五三十凡四日依時復見明年丁酉七月初十十
二十四日依時復見或黃蓋或二將隨侍見者不啻千
萬人郡人黃思德勒像于碑以誌靈異阮亭先生皇華
紀聞載其事今碑存廟中碑下層有康熙乙酉邑人劉
樹琪紀康熙丁巳年七月九月帝顯靈保城事

吳道子畫張文獻像石本

韶州張文獻祠有唐時所寫鐵像又有文獻像一軸傳
為吳道子筆石上其模本也上有宋阜陵手題云唐曲

江公張氏九齡又書黃云鹿入深宮花解愁牛登高鼎
餽位休當時若聽履霜語豈到峨嵋山盡頭 噫雖嘗
回奏薦而問公風度蒙大難而遣使祭饘不識噬臍禮
意曲江何似荊州淳熙十三年三月己酉朔絹本高二
尺四寸五分濶一尺二寸六分絹色黹黑像右有有中
書省印上有建中元年贈司徒制楷亦方整下有明嘉
靖乙巳秋遠從孫正惟喬謹識云是嘉靖甲辰夏于吉
永豐同姓人家購得之宋錄唐名臣後惟狄梁公段司
農郭汾陽與公四家子孫當受官者持畫像告初元宗
御札詣闕下為左驗宣和中御札留秘府像仍歸其家

此其持詣闕下受官經阜陵御覽而為之讚與七月既望模一本遺守祠孫澤禧俾度祠下并書其始末以告

之

此所模之本予亦見之顏色位置題字印章皆宛然亦張氏家藏也今城北九成臺上某陳一石是近時似守陳誰以摹本重鈐者

附錄贈司徒制正大厦者柱石之力昌帝業者輔相之臣生則保其雄名歿乃稱其盛德飭終未久於人望加贈實存乎國章故中書令張九齡維嶽降神濟川作相開元之際寅亮成功讜言定其社稷先覺合於著龜永懷賢弼可謂大臣竹帛猶存樵蘇必禁爰從八命之秩更進三台之位可贈司徒公集中有辨證一條云贈司徒舊史為至德初上皇在蜀思九齡之先覺下詔云云

仍遣使就韶州致祭新史云德宗建中元年季賢九齡風

烈贈司徒考之本紀元宗以天寶十五年常七月庚辰

至蜀郡八月癸未朔赦天下癸巳靈武使至知太子即

位丁酉稱上皇詔稱誥已亥臨軒冊肅宗自庚辰至已

亥僅二十日且蒙塵之餘固無暇贈典神道碑但言發

使至韶州弔祭而已新史蓋据碑也贈司徒當以建中

為正諸道石刻錄云韶州唐張九齡司徒告建中元年刻又按米芾寶章待訪錄唐趙王傳律浩書張九齡司徒告真蹟用一尺高絹書多泐筆詞內第

二句易作
匪臣作功

重刻張九齡神道碑

篆額唐尚書右丞相中書令張公碑

碑首云唐故金紫光祿大夫中書令集賢院學士知院
事脩國史尚書右丞相荊州大都督上柱國始興縣開
國伯文□以下不可辨

銀青光祿大夫廣州刺史兼御史大夫持節充嶺南節
度支度營田五府經略觀察處置等使上柱國會稽縣
開國公徐浩撰

有唐既受命在太宗時有若梁公房鄭公魏衛公李格
于皇天在高宗時有若梁公狄格于上帝在中宗時有
若平陽王張□□王桓□復宗社在玄宗時有若梁□
□□平公宗燕公始興公二張□興王業夫以天柱將

傾大盜方起

刻本作
好誤

一振綱目再闡皇猷始興公為之公

諱九齡字子壽一名博物其先范陽方城人軒轅建國

弦弧受氏良位為□□華才稱□□佐或相韓五葉或佐

漢七貂代有大賢時稱盛族四代祖諱守禮隋鍾□□

□□

刻本離
金山令

曾祖諱君政皇朝韶州別駕終於官舍

□為

□□

□□

大父諱

刻本諱下
有子字非

越州剡縣令列考諱弘

愈新州索盧縣丞贈太常卿廣州都督皆蘊德葆光力

行未舉地積高而成獄雲久蓄而作霖是生我公蔚為

人傑弱不好弄七歲能文居太常府君憂柴毀骨立家

庭甘樹數株連理王公方慶出牧廣州時年十三上書

路左燕公過嶺一見文章並深提拂厚為禮敬弱冠鄉
試進士考功郎沈佺期尤所激揚一舉高第時有下等
謫議上聞中書令李公當代詞宗詔令重試再拔其萃
擢秘書省校書郎應道侔伊呂科對策第二等遷左拾
遺封章直言不協時宰方□此四字利本無薛滿拂衣告歸太夫
人在堂承順左右孝養之至閭里化焉始興北嶺峭險
巉絕大庾南谷坦然平易公乃獻狀詔委開通曾不決
時行可方執特拜左_{利本}補闕尋除禮部司勳二員外郎
加朝散大夫超_{利本}中書舍人封曲江縣男轉太常少卿
出冀州刺史以庭闈在遠表請罷官改洪州都督從桂

州都督攝御史中丞嶺南按察兼選補使黜免貪吏引
伸正人任良登能亮賢勞事澤被膏雨令行祥風屬燕
公薨落斯文將喪擢秘書少監集賢院學士副知院事
時屬朋黨頗相排根窮栖歲餘深不得意渤海王武藝
違我王命思絕其詞中書奏章不愜上意命公改作援
筆立成上甚嘉焉即拜尚書工部侍郎兼知制誥扈從
北庭便祠后土命公撰赦對御為文凡十三紙初無藁
草上曰比以卿為儒學之士不知有王佐之才今日得
卿當以經術濟朕累乞歸養上深勉焉遷公弟九皋九
章官近州里伏臘賜告給驛歸寧遷中書侍郎丁內憂

中使慰問賜絹三百匹奔喪南計村葬先塋毀無圖生
嗔不容粒白雀黃犬號噪庭堊素鳩紫芝巢祖廬隴
之至者將有感乎既卒哭復遣中使起公布官同中書
門下平章事口敕敦□□許為辭聞命號咷使者逼迫
及至闕下懇請終喪手詔曰不有至孝誰能盡忠墨褒
之義不行蒼生之望安在朕以非常用賢曷云當禮哀
訴即宜斷表賜甲第一區御馬一刻本一下有匹字尋遷中書令
集賢學士知院事修國史初公作相也奏□擇元戎皆
取良吏不許入奏罷嘗戰諸軍兵省半支賜諛臣僂議
事竟不行明奉公奏籍田躬耕禮節加金紫光祿大夫

進封始興伯□天長節公卿皆進寶鏡公上千秋金鑑
錄述帝王興衰以為鑒戒公直氣鯁詞有死無貳彰善
殛惡見義不回范陽節度薛王奏前太子索甲二千領
上極震怒謂其不臣顧問於公公曰子弄父其罪當笞
况元良國本豈可動搖上因涕泣遂寢其奏武貴刻本
離間儲君將立其子使中謁者私於公曰若有廢也必
將興焉公遂叱之曰宮闈之言何得輒出御史大夫李
公尚隱太府卿裴奩先不禮中官皆忤上旨必在侏體
公全度焉幽州節度張公守珪緣降兩番斬屈突□將
拜侍中涼州節度牛仙客以省軍用將拜尚書並觸鱗

固爭竟不奉詔平盧將安祿山入朝奏事見於廟堂以
為必亂中原□□□上曰卿以王衍知石勒此何足
言無何用兵為虜所敗張守珪請按軍令中留不行公
狀諫曰穰苴出軍必誅誼賈孫子行令亦斬宮嬪守珪
所奏非虛祿山不當免死再三懇請上竟不從邊將蓋
嘉遁等上策密發將士襲平西戎公以為不可妄舉結
後代讐非皇王之化也上不納及羯胡亂常犬戎逆
命元宗追嘆曰自公歿後不復聞忠讜言發中使至韶
州弔祭其先見之明有如此者學究精義文恭微旨或
有興託或存諷諫後之作者所宗仰焉上表論事多

樞密入皆削藁人莫得知常以致君堯舜齊衡管樂行之在我何必古人由是去膺資格置採訪使收拔幽滯引進直言野無遺賢朝無闕政百揆時序庶工允釐同儕見嫉內寵潛構罷公為尚書右丞相初不介意居之坦然執憲者索公所用劾奏權臣多官得罪借以為累貶荊州長史三歲為相萬邦庶寧而善惡大分背憎者衆虞揆密發投杼生疑百犬吠聲衆狙皆怒每讀韓非孤憤涕泣沾襟開元二十八年春請拜掃南歸五月七日遘疾薨於韶州曲江之私第享年六十三皇上震悼贈荊州大都督有司謚行曰文獻公粵來歲孟冬葬於

洪義里武臨原近於先塋禮也夫人桂陽郡夫人譚氏
涇州司馬府君誨之子也澍慎宜家齊莊刑國珮環有
節纂組皆工幼作女儀長為內則太夫人樂在南國不
欲北轅克勤奉養深得婦禮至德二年十月六日終於
私第春秋七十七畫哭閭閻日月繚遠此八字
刻本無同塋異穴
卜兆從宜公仲第九輩宋襄廣三州刺史採訪節度經
略等使殿中監季第九章溫吉曹等州刺史鴈臚卿腰
金拖紫三虎為榮立德行政二馮推美嗣子拙居喪以
孝聞立身以行著陷在寇逆不受偽官及叔復兩京特
制拜朝散大夫太子右贊善大夫孫歲器河南府壽安

尉永保先業克稟義方姪殿中侍御史抗文吏雅才清
公賢操以兄極早世姪藏器幼孤未建豐碑乃刻樂石
用展猶子之慕庶揚世父之美浩義深知已眷以文章
禮接同人惠兼甥舅薄技効德無愧其詞銘曰鳳生丹
穴鵬翥南溟天乘粹氣地發精靈傑出我公揚於王庭
甫稱降神說表騎星學究經術文高宗匠再掌司言爰
立作相忠義柱石謀猷帷帳王綱允釐帝采惟亮退居
右揆出守南荆玄鶴翊翼青蠅營營不瞑猶視雖歿如
生昭昭令名千古作程

碑末云長慶三年歲次癸卯八月癸丑朔十二日甲子

□孫□□節度判官監察御史裏行仲舉建立曾孫承

奉郎虔州□以下不可辨

墳塋在西北去此□百四十□四步 曾□孫鄉貢□

□可渡同勾當立趙明誠跋作曾孫致慶 玄孫鄉貢進士景新

玄孫鄉貢進士景以下不可辨括趙明誠跋當是景重

承務郎試秘書省校書郎□韶州曲江縣□□□篆

額 韶州軍□判官□士□試□書省校書郎林以下不可辨

□奉郎尚書屯田員外郎知韶州軍州兼管内勸□□

□□□□似是方字湜重建 皇宋天聖八年□月重立石

於曲江張公以下不可辨

碑重立於天聖八年在歐陽公集古錄之前不知歐趙
二家所見者唐刻耶宋刻耶朱長文墨池編云中書令
張九齡碑徐浩撰并書長慶三年立則固唐碑矣而此
碑不著書人姓氏字雖出摹勒字法頗與徐似則亦粵
東之古刻矣

予訪求此碑歷七寒暑問之官吏問之土人間之張氏
子姓皆云久已前年謁公祠詩有徐會稽碑蹟竟湮之
句蓋亦信以為實亡矣今按刻金石略至此卷適獲此
碑於韶城曲江祠後出諸土中完然豐碑而剝泐已甚
以志所載全文參讀疑者之增諸卷帙亦一快事也

重刻張九皋神道碑

篆額具書唐銀青光祿大夫嶺南五府節度經略採訪
處置等使攝御史中丞賜紫金魚袋殿中監南康縣開
國伯贈揚州大都督府長史張公神道碑中大行禮
部侍郎秘書少監蘭陵蕭昕誤明嘉靖二十四年夏五
月吉裔孫通議大夫都察院右副都御史奉勅提督兩
廣軍務兼理處撫岳重立其文行書全錄於左

公諱九皋先范陽人也昔軒轅少子以弦弧受氏別
封於張留侯以五代相韓安世以七葉榮漢特生間氣
鍾英大賢餘芳遺韻于今嗣矣晉末以永南渡遷

於江表皇朝呂曰官樂土家於曲江高祖古禮隋鍾離
郡塗山令曾祖君政皇朝韶州別駕祖子胄皇朝越州
剡縣令烈考弘愈皇太常卿廣州都督皆世濟明
德不隕令名公特稟中和誕生涵懿恭推色養孝自曰
心幼歲丁太常府君憂孺慕街哀樂棘無怙毀能達理
□□成人及日月的除而顧復就養思致遠親之祿方
求筐仕之階簞食不珍琢玉成器殖學以明道修身以
踐言弱冠考廉登科始鴻漸也嶺南按察使尚書裴佖
先募府求賢輶車問俗以公後進之秀籍以逆軍表授
海豐郡司戶水災貧泉珠還合浦時所稱也其後五溪

阻兵群蠻聚。帝命按察使裴由先討焉。以公有鎮組
之謀。韜鈴之用。奏授南康郡贛縣令。於是坐其帷幄。置
以戎車。公武能宣威。文可化俗。軍需倚辦。供無留前。
宣慰使御史梁勛奏公清白有聞。後宣慰使竹承構奏
公戶口增益。共稱尤異。褒進上聞。特加朝散大夫。遷巴
陵郡別駕。初。丞相曲公之元昆。自始安郡太守。魚五
府按察使。以為越井殊方。廣江剽俗。懷柔之寄。實在腹
心。奏公俱行。可為同氣。遂授南康郡別駕。季弟九章。以
為桂陽郡長史。太夫人在堂。賜告歸寧。承歡伏臘。白華
共展於朝夕。衣錦時入於鄉閭。棣萼美於詩人。德星聚

於陳氏代所稀也無何丁於內艱焚毀焚燒勺飲不納
至性聞於州里孝感達於神明白雀馴狎於倚廬黃犬
隨號於行哭表其異也服闋除殿中丞又遷尚書職方
郎中起草含香停車待漏位高玄象職在彌綸及曲江
公翊贊廟謀鹽梅鼎寶講德論道求賢雷官以識量通
明與聞其議故能致君堯舜克濟忠貞公之佐也及元
昆出牧荊鎮公亦隨貶外臺遂歷安康淮安彭城睢陽
四郡守所蒞之邦必聞其政作人父母為國循良於是
瑞鵲成巢嘉禾合穎祥烏素翟而狎至焉考績議能詔
書褒異遂遷襄陽郡太守兼山南東道採訪處置使以

連率之權授以澄清之任化行江漢惠及黎民進封南
康縣開國男賞有功也屬南夷小叛西蜀騷動掎角之
勢連於嶺隅以公有經略之才委公以干城之任乃除
南海太守兼五府節度經略採訪處置等使攝御史中
丞賜紫金魚袋天書盈篋廐馬在庭恩華寵光旁推道
路公召募敢勇繕治樓船綏懷遠人安集獷俗或拘劍
□之路或出銅柱之鄉以迴舶運糧省泛舟之役以于
來授甲寬土著之人寄用務殷用省功倍天子加之特
賜銀青光祿大夫兼手詔蓋封開國伯食邑七百戶旌
其能也且五府之人一都之會地包山洞境濶海隅異

域殊鄉往來輻輳金貝惟錯齒草實繁雖言語不通而
勢幣交致□禁其豪奪招彼貿遷遠人如歸飲其信矣
秩滿遷殿中監皇輿盡飭玉食惟精六尚煩委一心主
辦服御器用必信必誠勤勞不遑內積薨□以天寶十
四載四月二十日疾亟薨于西京常樂里之私第春秋
六十有六嗚呼哀哉哲人其萎邦國殄矣皇上哀悼將
贈盈門給遞還鄉首□歸本遂贈廣陵郡大都督府長
史禮儀哀制延素握髮可謂飾終以明年葬於始興郡
洪義里武陵原夫人弘農譚氏襄陽郡夫人國子博□
知幾之子克訓母儀用光閭閻則粵以永泰三年薨南唐

郡次以大厯四年合祔焉禮也嗣十一人長曰揔前
端州刺史次曰擢前右金吾衛□曹叅軍次曰撫試大理
直康州刺史次曰抗檢校戶部郎中兼御史中丞賜紫
金魚袋朔方邠寧節度行軍司馬次曰捍前弘文生皆
王之蓋臣國之多士令德之後必大其門公嘗與季弟
同泛滄溟舳舳餘艍凡數百輩忽驚颺震發駭浪山連
雷呀呬之時謂汨沒同盡為猿為鶴曷□保焉而中宵
返風漂泊孤嶼遲明相視各在津亭同役之人僅有在
者則知商邱蹈信入之而不傷呂梁履忠游之而莫惴
愴悌君子福祿優之宜其克享永年尔既逢吉且公之

立身可謂盡美居喪致哀稱其孝也入幕決勝稱其才也列在藩翰則德化之政聞授之斧鉞則武昌之□著佐元昆則潤色王業睦諸季則致美閨門至於推挽忠良揄揚俊乂力行不怠時議高之夫生死有懷古今同盡歿而不朽君子建之所□跡儒林嘗讀舊史覽賢人之事業知盛德之在焉敢揚休聲以誌貞石銘曰軒轅錫美百代蕃昌弦□得姓受邑於張五代相韓七紹居漢平子數術茂先翊贊誕鍾餘芳克享大名爰至我公天姿挺生率□立身依仁從政學該百代官踰三命再登幕府四列藩條威行節制化合謳謠作牧襄陽授兵

南越江□底定要荒哥悅死生有命修短靡長禮贈殊
秩魂歸故鄉梧楨成列邱陵無改夏日冬夜精靈斯在
此碑在文獻墓上今已泐為兩段陳思寶刻叢編云唐
張九臯碑工部尚書蕭昕撰九臯孫曹州刺史仲方書
長慶三年立按史仲方九臯曾孫不言其刺曹州也今
据碑蕭昕銜亦非工部尚書

又墓田一碑韶州府為查給官田設立人戶看守名臣
墳墓本府知府符錫中詳上司批准撥田給帖付照仍
勒之石後開古塋一座中文獻公墳下即夫人墳前右
殿中丞九臯墳前左太常卿九章墳後開撥与看墳人

耕管官田畝數併條約嘉靖二十一年壬寅季夏韶州府知府新喻符錫謹書

文獻祠下又有斷碑一截記重修祠事是元延祐丁巳廬陵曾三省記并書僅存數行与篆額而已

又有明宏治庚申武進徐紘記脩祠數語系以詩并書文獻又有祠在大庾嶺頰際寧碑數通一碑風度維巖四字字運二尺外康熙癸丑冬十月山左膠西宋世勳八歲題并書又一碑雁西人遠回字字亦運二尺許款同字並雄勁不似八歲兒所書或又相傳是一婦人所書託之八歲兒然亦不似婦人書也此外惟華亭沈宗

敬所書海天一線四字差佳

曲江下三十里白芒石壁臨江刻迴龍山三大字不著書人名氏

曲江余襄公墓道歐陽文忠所撰碑訪之不獲

陳白沙風采樓記

樓在韶州府城內與風度樓相望明宏治十年太守錢君鏞建以祀余襄公本蔡君謨詩必有謀猷禪帝右更加風采動朝端也其冬十二月白沙陳獻章記并行州書碑已半泐字勢尚勁逸之甚

樓又有嘉靖十三年歲在甲午庚午月端午日賜進士

及第添註信宜典史前翰林院國史編脩文林郎經楚
官金華程文德彛敦撰重建記

方信孺虞泉銘

八分書碑在韶州西北皇岡舜祠下虞泉銘并序知英
德府真陽縣事方真孺書權發遣韶州軍州事方信孺
撰韶之西北有山聯縣如屏障是為皇岡虞祠奠其麓
刑獄使者廖公德明既作新之缺一字有泉出祠東崖其
流所以資灌溉給飲濯者甚遠甘而缺一字志作潔與他泉
異余仲夏有事祠下退而相羊林澗間回謂泉於是乎
出幸託虞祠相為始終而名獨未得與舜峰韶石班雖

泉之不遭亦好事者責也遂名曰虞泉又記黃太史詩
有為舜泉作者注云河北酒名也既以名泉又曰泉以
名郡齊之酒亡日與客酌泉飲酒念常有以被金石使
後之人知名缺一字始為之銘曰蒼梧之墟維舜迹只雙
闕宮堯鎮南國只山川艸木麗此五字缺今昔只韶之大
全此二字缺猶仿佛只彼皇岡下新宮翼翼只流泉齋發
貫東鉅只晝夜混混不涸不溢只耕者居者普潤澤只
后皇遺祥為帝出只肇錫嘉名孰賓此字缺只謂舜何峰謂
韶何石只豈泉之清不稱德只會稽有井石此字缺初只豈
韶缺一字泉匪是匹只自我作古詒罔極只酌泉而羞此字缺

時格只釀泉而醴人

然

澤只銘以歌之宜琴瑟只皇宋

嘉定庚午七月丁亥朔刻下有章貢蕭茂四字以下不

可辨蓋鐫人姓名也

粵東金石略卷第五

韶州府金石二

蔣穎村續武溪深詩碑

在韶州西武溪亭上亭今為九城臺碑高六尺濶三尺
五寸其額曰書寶文蔣公武溪深詩六字下前刻為漢
辭浹刻穎叔和續詞云飛湍瀑流瀉雲峯千澗百兩雷
車音吾聞神漢之功始聞斷史君姓周共名煜至今廟
在樂昌西苔蘚殘碑僅堪讀武水之源自何出郴州武
縣鷓鴣石南入桂陽三百里浚瀨洪濤互滌射其誰寫
此入新聲一曲馬援門人笛南方耆舊傳此水昌樂之

瀧亦乃是退之昔日貶潮陽曾到瀧頭問瀧吏我今以
選來當禺事與昌黎殊不類未嘗神色輒慙慌何至形
容遽憔悴但憐歲晚毛鬢侵故園一別至於今溪光罨
畫清且淺朱藤覆水成春陰何為去此嬰朝簪翩然足
馬馳騷騷兩踰瘴嶺窮崎嶇梅花初開雪成林韶石彷彿
聞舜琴曹源一滴清人心遠民安堵年穀稔百蠻航
海來獻琛嗟余才薄力不任報君夙夜輸誠忱布宣條
教勤官箴有佳山水亦幽尋樂乎吾樂何有極不信愁
歌武漢深自跋云李君以神漢桂陽太守周府君功勲
紀銘為示碑尾云大和九年五月重修歐陽永叔集古

目錄跋云此君檢漢書無之今碑石缺亡其名惜乎遂
不見于世也南人紀其所修瀧水即韓文公所謂昌樂
瀧是也至今以為利祠宇甚嚴云余讀韶州圖經云周
史君廟在樂昌縣西北一百八十里武溪上舊經云後
漢桂陽太守周君光開新瀧故立廟武溪驚湍激石流
數百里昔馬援南征其門人爰寄生善吹笛援作歌以
和之名曰武溪深其辭云周史君開此溪下合真水
碑在廟中郭蒼文但云府君字君光而已其名訛缺不
可辨圖經說周使君亦不著其名李君嘗理詣碑辨之
乃是煜字永叔但得墨水故莫能考也余讀退之瀧吏

詩云南行踰六旬始下昌樂瀧獨疑樂昌昌樂之名不

同遂稍書然李君荅曰樂昌縣五里有昌山有樂石尤

大當是樂昌以縣名昌樂以山名瀧今在縣上五里余

乃釋然無疑矣因感馬援之意憤而成之為武溪深一

章云元祐二年十一月卅日當昌府中書後又刻所作

書南雄昌樂驛七絕一首自注云欲以見驛名亦以昌

樂也又望韶石七絕一首末有元祐三年戊辰正月晦

日真陽貢士李脩立道跋下又云門生廣文館進士李

脩題額并立石碑尾小字一行云右朝散郎知韶州軍

州事譚粹元祐癸酉季秋六日自延祥禪院移立武溪

亭

按穎州元祐二年知廣州又碑并知韶州
據韶志載在元符元年當以此后為正

粵東石刻以周府君碑為最古碑建於漢靈帝熹平三

年荊州從事曲江郭蒼伯起譔

領舊吉縣并云韶州圖位云郭蒼父
按碑曲江長區社与邑子故吏龔金

郭蒼龔金等命不建碑於龍上勒銘公功恭亦
命不建碑者非撰碑之人圖位之不足信如此歐陽公集古錄目云在

韶州樂昌縣昌樂瀧上周君廟中蘇軾釋云今碑在韶州

張九齡廟中今皆不可問矣

都秩金龜琳鄉此碑元平唐故陳漢跋
謂漢刻在瀧上唐重刻本在曲江廟

中不知何時徙置郡學韶州寺錢祖旣新府治以韶在漢屬桂陽乃徙置之後楊
文貞公跋亦云碑在韶州府治按府治今為王府碑面是仍值曲江廟中東廣

漢碑絕少所
有惟斯而已韶州府及曲江樂昌二縣志皆載其文樂昌志

所載一篇曰張鹵撰鹵不知何時人其文稱亦熹平三

年云云而後引昌黎驅鱣魚事真千古笑柄韶州府曲

江縣二志所載文大略相同皆曰名昕洪氏隸釋載此

文是憬字廣東新語云憬或作曠今錄錄律全文於此

神漢桂陽太守周府君功勲之紀銘錄頌 歐陽集古錄云碑首題云神漢若如唐人云

聖唐永昌當時已如此語而史傳他書無之獨見於此碑也趙氏金石錄曰云第一百三十三漢桂陽太守周府君頌熹平三年五月人按天下碑目作桂陽太守周

使君碑

桂陽太守周府君者徐州下邳人也諱憬字君光體性

敦仁天姿篤序行興閭門名聞州里舉孝廉拜尚書侍

郎遷汝南固始相遂拜桂陽廼宣魯衛之政敷二南之

澤政以德綏化猶風騰撫集烝細聞綏有方進則貞直

退則錯枉崇舉濟濟吉士充朝招訓罔蒙開誘六蔽

君子道長小人道消信感神祇靈瑞符開嘉釐生於盟

奇草像萑蒲異根之樹超然連理於此開時邦域惟寧

郡又與南海接比商旅所臻自瀑亭至秀曲紅壺繇

此水其水源也出於王禽

張道碑開
舍符所有

之山山蓋隆

關

于天

泉聲沸踊發射其巔分派離散為十二川彌陵隋阻企

阜錯連隅陬塵藹邇來繇嶠焉爾乃貫山鎖石經

關揚

爭怒浮沉潛伏虵龍結屈澧隆鬱洩

孫州云澧
借為壘字

千渠萬澮

合聚豁澗下迄安甌六瀧作難湍瀨澶澶注注潺湲雖

詩稱百川沸騰高岸為谷深谷為陵蓋莫若斯天軌所

經惡得已改其下注也若奔車失戀狂牛無縻聞勿亢

勿瞋睦不相知及其上也則羣輩相隨檀枕提闕唱號
慷慨沈深不前其成敗也非造喪寶玩隕珍奇替珠貝
汩象犀也往古來今變甚終矣於是府君乃思夏后之
遺訓闕應龍之畫傷行旅之悲窮哀同人困危感蜀守

冰殒絕犂雕離堆嘉夫昧淵永用夷易廼命良吏埃

獎字字原誤釋作將帥壯夫排積勝磐石投之寡高填下鑿截回

曲彌水之邪性順導其經脉斷破溢之電波弱陽侯之

汹涌繇是小溪乃平直大道允通利拖布買絲交易南

至升涉周旋功萬於前除昔樹塞基於茲雖非龍門

之鵲鴻呂大臨考古圖上旅而釋云其貝亦人君之德宗故胎船

人嘆於水渚行旅語於涂陸孔子曰禹不決江疎河吾
其魚矣於是熹平三季歲在攝提仲冬之月曲紅長零
陵重安區祉字景賢遵承典圖宣揚德訓帥禮不越欽
仰高山乃與色子故吏龔臺郭蒼龔雒等命工鑿石建
碑于瀧上勒銘公功傳之萬卉垂示無窮其辭曰乾川
剖兮建南字原誤作東儀剛果兮有險夷谷中鬱兮穆崔嵬
嘆衡林兮獨傾虧增陵峭兮甚隘倚鉉莫涉兮禹不規
仰王禽兮又嵯峩俯瀧淵兮怛以悲岸叅天兮無路溪
梓神云小溪路溪皆為溪石縱橫兮涿洄洄波隆隆兮聲若雷或抱憤兮
以從利或追思兮有赴義泥貞楫兮有不避開躬軀兮

於玄池委性命兮於芒緇緇惜寒懷兮不皇遑計忽隨

深兮殆忘歸懿賢后兮發聖英閑不通兮治斯谿廢

巨石兮以湮填開切促詳辨云即德字
字原誤律作促兮藥曲稜摧六瀧兮

弱弱兮散其波威怒定兮混瀾瀾息聊啾兮逝

□弱蛟龍滅睦老唱兮臚人歌名嗣世兮超

踰倫今稱閼兮耀深沙功斐斐兮鏡海裔君考君壽不

訾洪氏引樂史案字記云龍上有太中周所廟今碑在韶州張九齡廟中其名尚
隱隱可辨蓋係字也又引天下碑錄一條云漢桂陽太守周使君碑在韶州樂

昌縣郭蒼文按歐陽文忠公集古錄目一條云右桂陽周府君碑漢碑不著書撰人名
氏蘇州圖經云郭蒼撰題明誠金石錄云曾子固言嘗得此碑於韶州王之才之

才以書未言曲江縣圖經周府君名昕字君光則永新云圖經不載其乃者蓋考之
未詳也今此本雖偶闕然究其點畫殊不類昕字于溪見市中印本歐陽公度後集

別有一跋是周君
名惲惲字順近之

碑陰

故曲紅長零陵重安區祉字景賢故舍涇長南郡郎蒼

陸字朗夏故湏陽守長南平丞長沙漠昌襄祗字宣節

故行事耒陽舉憂徐祥云奉即華憂延夏字漢威故荊州從事曲紅

龔臺字少謙故荊州從事曲紅郭蒼字伯起故荊州從

事柳王鼎字季尼故南部督却曲紅龔雒字開然故吏

曲紅鄧音字孝宣故吏曲紅朱隲字義德故吏曲紅張

源字子才故吏曲紅龔達字封通故吏曲紅黃部字卉

尼故吏曲紅周蓋字伯嘗故吏曲紅黃晏字子齊故吏

曲紅馬珪字元序故吏曲紅潭承字寧升故吏曲紅劉

鵠字季產故吏曲紅黃祺字對仁故吏曲紅周習字仲

鸞故吏曲紅劉越字子省故吏柳禧禧字周讓故吏承

陽蔡閔字已明故湏陽左尉零陵原陵字閔故吏湏陽劉

明字仲開故吏湏陽左滕字仲升故吏湏陽左蘇字妙

舉故吏湏陽宋碩字子張故吏舍湏堯禹字公制故吏

舍湏張邵字寧威故吏舍湏黃詳字伯節工師南陽宛

王遷字子彊趙明誠金石錄右漢周府君碑陰題名凡三十一人姓氏具存按

東西兩漢史皆作曲江今據此碑自縣長區社而下凡十七人皆書為曲紅則是

當時縣名曲紅無可疑者不知兩漢史皆作曲江何也而洪氏錄詳云右周際碑

陰字曲紅者一人實曲紅若十六人然居碑亦同兩漢書皆作曲江諸家地理書

皆云水流屈曲故曰曲江唯水從云縣昔碑曲紅山之名也前書工女大切皆只

同用紅字未知水經何所據也按任氏校尉熊君碑陰補桂陽曲紅長又洪氏錄

傳云周際碑詳類二行文二十一并行四十二字後有餘石碑陰上一列二十二

人下一列前空七行所題者
八人空六行刻工師姓名

蘇文忠九成臺銘

韶州九成臺舊名聞韶臺在北城上建中靖國元年韓
子瞻與蘓伯固北歸郡守狄咸延之臺上伯固謂舜南
址奏樂於此臺宜名九成子瞻即席為銘自書刻石臺
上後以元祐黨事碑毀臺廢遂以西城武溪亭為臺下
臨武水臺屢廢屢修今碑是明嘉靖丁亥符通判錫書

韶州陽太守狄咸新作九成臺玉局散吏蘇軾為之銘

曰自秦并天下滅禮樂韶也不作蓋三千三百一十有

三年矣

集作千三百一十有三年矣是也此石本訛出三字方綱按秦始惠帝
二十六年唐貞并天下至宋哲宗元符三年唐曆千三百二十有一年

不知何以云一
十有三年也

其器存其人亡則韶既已隱矣而况集有人器

而已而不傳雖然韶則亡矣而有不已者存集作蓋嘗

日月寒暑晦明風雨並行乎集作天地之間世無南郭子

綦則耳未嘗聞地籟也而况得聞其天籟集作而况得聞於天
按大字係韻脚石本

批此
集無使耳得聞天籟則凡有形有聲者皆吾羽旄干戚

箎磬匏弦嘗試与子登夫韶石之上舞峰之下望蒼梧

之渺莽九疑之聯綿覽觀山川集作之吞吐草木之俯仰

鳥獸之鳴號衆族集作之呼吸連來唱和非有度數而均

節自成者非韶之大全乎上方立極以安天下人和而

氣應氣應而樂作則夫所謂簫韶九成來鳳凰集作而舞

百獸者既已粲然畢陳于前矣建中靖國元年五月吉

日

集作正
月一日

眉山蘇軾記

宋碑不知毀於何時至我明嘉靖改元壬午太守周牧
刻石丁亥太守唐昇又刻之通判符錫書

蘇集中九成臺銘及南華題名皆在建中靖國元年正
月一日按元符三年庚辰五月先生自昌化貶所移廉
州安置六月二十日渡海七月初至廉八月授舒州團
練副使永州安置十一月復朝奉郎提舉成都玉局觀
任便居住先生行至英州聞玉局之命故此銘稱玉局
散吏也是年在韶州度歲次年辛巳正月五日過嶺至

南安軍是銘為正月一日作無疑今石本乃作五月蓋
重刻時傳寫之訛耳 又按東坡何公橋詩洪容齋三
筆以為建中靖國元年還自海外時任查氏刻補注本
疑其未足據依施氏原本載入紹聖元年卷中今按英
州小市古韶城尚一日之程正月五日即過嶺至南安
豈有開歲尚在英之理蓋見施本為是

文忠書九成臺額

文忠所書銘既亡後人摹其所書九成臺三字一勒符
書碑首一勒武溪深碑陰而碑陰所勒較善右曰狄咸
佐左曰蘇軾書碑陰又有公所書思古堂三字右曰伯

通作左曰子瞻書伯通當是狄守字耳其下有九成臺
三大字篆書寬九寸高各一尺三四寸左刻新湖南漕
文公篆右刻郡守狄咸模上石

韶州府解政寶堂三字亦公手書字各高三尺寬二尺
許舊有楊誠齋跋乾隆戊子正月九日方綱手摹俾太
守勒石廨中并錄誠齋跋于後

陳文惠書蕙譽亭字

八分書長寬俱一尺一寸咸平四年夏陳文惠公書府
志謂亭在城艮隅已不可攷今勒此于武溪深碑陰文
惠名堯佐閩中人述古之父也其八分最有名點畫濃

重世謂之堆墨書今觀此三字信然

陸放翁書詩境字

亦在武溪深碑陰每字長八寸左陸游書三字右跋云
開禧丁卯正月書時信孺丞蕭山而放翁退居鏡湖字奉
八十三矣後五年嘉定辛未信孺假守曲江謹撫刻于
武溪深碑陰九月旦莆田方信孺識按信孺字孚若知
真州有好菴遊戲詩境集劉後村序之曰公詩文操簡
立成宮羽協諧徑緯麗密嘗有題龍隱巖詩云人事百
本俱壞滅祇應題字不塵埃今此段字亦秀勁足與陸
書相配放翁以寧宗嘉泰三年升寶章閣待制致仕居

若耶溪至嘉定二年卒年八十五卒未是嘉定五年
九成臺上又有明万歷十八年知韶州府檇李陳奇謀
重修記又有万歷九年廣州司理陳紹功省月臺記省
月臺即九成臺也

韶又有通天臺臺惟明嘉靖己酉南寧陳大倫詩一碑
又芙蓉山諸詩碑並無足錄

韶州永通監記

篆額韶州新置永通監記八字碑文正書末云時天子
親享明堂之歲十月初三日光祿少卿分司南京余靖
記江夏黃昌齡書并篆額

光運寺碑

寺在府城河西余襄公塔銘不可見今惟存窟通證誓
大師碑碑額与文皆正書淳熙三年八月朔立石免解
進士章貢孫時敏撰并書文林郎知梅州程鄉縣事主
管學事周南張際題額

開元寺重塑佛像記

熙寧七年甲寅歲二月十日將仕郎守韶州長史權監
英州宜安鎮鹽稅李駸撰本州書表司鄺強書并篆
南華六祖墜腰石刻字

石高一尺寬二寸一分中一行鐫師墜腰石盧居士誌

八字右云龍朔元年鐫左云桂林冀邦桂書 曹溪通
志云師往黃梅禮五祖應對契旨恐人害之着槽廠去
後五祖至碓房見師腰石舂米語曰求道之人當如是
乎龍朔元年師受衣鉢南歸石田黃梅上刻云至明
嘉靖間有韶州人仕於黃梅者遂持歸曹溪今存焉按
六祖傳云造黃梅尋忍大師適咸亨二年也龍朔在咸
亨之前相去十年石上之字當屬後人所刻故年月不
符耳且既稱師墜腰石而又云盧居士誌文法不相連
屬字畫亦不佳未可曰龍朔字而目為古刻也又劉禹
錫大鑒禪師第二碑云三十出家六祖生于貞觀十二

年至咸亨二年三十四歲與劉碑合但不知龍朔元年
字何以不符至此且黃梅東禪寺仍有一陸腰石渙洋
皇華紀聞亦載之則此石殆亦未可信也

重刻柳子厚大鑒禪師碑

南華王維劉禹錫碑皆不存獨重刻柳碑猶存曹溪第
六祖賜謚大鑒禪師碑河東柳宗元撰唐元和十一年
正月三日立石蘇文忠書後云子厚南遷作曹溪南嶽
諸碑妙絕古今而南華今無刻石者長老重辯具石請
余書其文唐史元和中馬摠自虔州刺史遷安南都護
徙桂管徑略觀察使入為刑部侍郎今以碑考之蓋自

安南遷南海非桂管也韓退之祭馬公文亦云自交州
抗節番禺曹溪謚號決非桂帥所當請以是知唐史之
誤當以碑為正按此則碑在宋已不存今併文忠所書
亦無知之者此石乃明嘉靖乙巳韶州守南寧陳大倫
重刻大倫跋云傳山人自閩來適居予出訪因為予書
重刻蘇文忠卓錫泉銘

明嘉靖戊申至日韶州知府陳大倫推官李齊曲江知
縣王欽重立不著書者姓名志稱大倫字豹谷廣西人
善書筆法道勁則此銘或即陳所書乎其文与集本小
異今錄於左

六祖初住曹溪卓錫泉湧清涼滑甘贍足大衆逮今數
百年矣或時小竭則衆汲於山下今長老韓公住山四
歲泉日湧溢聞之嗟異為作銘曰祖師無心心外無學
有來扣者雲涌泉落問何從來初無所從若有從處來
則有窮初住南華集衆須集誤水水性融會豈有無理引
錫指石集誤寒泉自泚衆渴得飲如我說法云何至今有
溢有枯泉無溢枯集誤其人乎辯來四年泉水洋洋煎
煮濯漑飲及牛羊手不病汲肩不病負甕勺瓦盂莫知
其故我不求水水則許我訊於祖師有何不可

此句集誤作
其亦可哉

周瑯遊南華詩

石刻五言古詩二首後題兩山周瑯瑯蘄水人嘉靖十四年任提學

胡汝霖卓錫泉亭詩

石刻五絕二首嘉靖甲寅季秋廣東提學僉事蜀左綿胡汝霖題自注云亭有東坡泉銘所見者或亦重刻碑耳

重刻蘇程菴銘

程公菴南華長老辯公為吾表弟程德孺作也吾南遷過之更其名曰蘇程且銘之曰辯作菴寶林南程取之不為貪蘇後到住者三蘇既住程則去一彈指三世具

如我說無是處百千燈同一光一塵中兩道場齊說法
不相妨本無通安有礙程不去蘇亦在各遍滿無雜壞
此宋端明學士蘇公軾紹聖元年甲戌八月過南華作
崇禎乙亥六月望日電士余大成書後云 知韶州府
事貴竹楊起鰲勒石文內云大索公所書卓錫泉銘抑
子厚大鑒碑及所作小記而皆非其故徒增憑弔

至元四年鍋字

南華禪堂左廊香積厨有大銅鍋聞其上有至元四年
鑄字今已塵積不可盡識洗剔之畧可辨者差督理廣

東

處地方珠池市舶

監

太監西晉長治

字

李鳳喜

捨二十三字

明憲宗御製六祖壇經法寶序符錫書

成化二十一年十一月朔日製序後有嘉靖二十一年
夏五月韶州知府符錫拜首謹志是日同知俞慶雲教
諭蔡密同加瞻禮

米元章書墨池字

二字長闊皆尺數寸許後跋云米公余鄉_於蘇東坡
稱其奔軼絕塵之品超妙入神之字清新絕俗之文初
補校書郎棲冷光尉人德祠之余叨令英州偶過舊池
見公真跡猶存因摹鑄之康熙丙午襄陽楊柱臣書

按洽光即洽漚古洽漚縣在英德西百里漚水山海經
謂之湟水徐廣曰湟水一名漚水出桂陽亦曰漚水韶
州志載漚音節置洽漚音節湟陽二縣音節屬南海郡漢改屬桂
陽郡隸荊州三國屬吳大帝黃武五年又屬廣州孫休
永安四年改屬始興郡宋元徽四年以漚字為光改縣
曰洽光其載米官亦曰洽光尉與此跋同而陽山志載
米官洽漚尉水徑漚水出桂陽縣廬聚東南過洽漚縣
南出漚浦關為桂水是漚漚二水不知何以有洽漚之
名當是漚漚字相近而訛耳

光亦作說

米元章書寶藏字

字長各二尺餘濶各近二尺學博士米芾書此碑元在
冷洗司今移英德縣內

趙秋谷觀音巖詩刻

英德觀音巖石壁臨江洞穴天造前人題刻皆不甚稱
巖口左壁上有觀音巖三大字下有秋谷詩云巖舟仰
崇巖不雨露自滴躡屐凌空行導火捫星入屢轉失向
背絕頂得開闢佛座積香烟出戶孤雲直輪囷青蓮花
百丈燭江色前見萬嶺屹爭頭刺天碧非惟閱幽峭亦
復豁胸臆安得桓子野臨波弄長笛康熙丁丑益都趙
執信題并書又有舟中觀英德瀕江諸山一詩不具錄

英德下流五十里有峽山廟一曰大廟舊有秦時犧尊
制作奇古宋宣和間有取之者舟出峽風濤大作懼而
還之廟中今亦不知何在矣又王渙洋北歸志載大廟
峽貞惠夫人祠有宋嘉定碑稱神虞氏英州人生能抗
黃巢之鋒死能制峒寇之暴蓋唐人也今碑亦不存

余襄公耽石院記

在韶州翁源縣淨源山石壁上朝散大夫

光祿少卿

字堯

分司南京上騎都尉曲江縣開國子食邑六百戶賜紫
金魚袋余靖撰末云皇祐元年八月日記皇宋至和三
年三月十日注持僧法沙門省功建潁川巢王書進

士巢迪篆鄭祚刻

乳源南漢碑

在乳源縣雲門山碑首云大漢韶州雲門山大覺禪寺
大慈雲匡聖弘明大師碑銘并序西御院使集賢殿學
士御前承旨太中大夫行左諫議大夫知太僕寺事上
柱國賜紫金魚袋臣陳守中奉勅撰末云維大寶七年
歲次甲子四月丁未朔列聖宮使甘泉宮使秀華宮使
翫華宮使開府儀同三司行內侍監上柱國臣李托玉
清宮使德陵使龍德宮使開府儀同三司行內侍監上
柱國武昌縣開國男食邑三百戶臣龔澄樞奉勅建右

街大乾亨寺內殿供奉講論兼表白意法大師賜紫沙
門臣行脩奉勅書右龍虎軍控鶴將軍陪戎副尉臣孔
廷謂臣孔廷津臣陳延嗣臣鄧懷忠等鑄字 行楷書

仿懷仁聖教序

內書地
為坐

碑內稱漢明帝為我祖又稱睿聖文武隆德高明弘道
大光孝皇帝此謚十國春秋無之陳守中行脩俱無傳
又十國春秋有僧文偃傳即此碑所稱大師也傳云謚
大慈雲匡真弘明禪師真字蓋聖之訛

王象之輿地碑目韶州碑記條下有乾符元年重修東
廳壁記長慶元年新修虞舜廟碣文白居易張尚書碑

銘皇甫湜朝陽樓記余靖修衙記韶石亭記湧泉亭記
真水館記張栻濂溪祠堂記楊萬里州學張公余公祠
堂記朱晦菴州學濂溪祠堂記四齋銘崇德廣業
仁山義田齋今皆不
存